

## Odgovor na provokacije "crvenog barona Balkana", Petra Lukovića

### Prijetnje crvenom tintom

Pisalo opet. Ovaj put povećalo kalibar. Pa umjesto zelenih, koristilo crvene čorke. Danas se na Lukovićeovom Internet portalu pojavio člančuljak (napredak od prošlog vijestuljka, vidi Kofoldemanti) izvjesne huškačice imenom Loris Zubanović. Navalila Loris k'o pijana da će ona, eto, nešto izanalizirati. Red nebuloza, red neistina, red podsmjeha, red prijetnji. E, prijetnje su nešto novo. Inače člančuljak ne bi bio vrijedan osvrta. Što se tiče Perinog ubitačnog portala koji s visina puca po svemu što nije uvrnuto do kraja ulijevo, njega finansira i Kissingerova privatna fondacija, koju časni kongresman Ron Paul (i vjerovatni kandidat za Predsjednika 2012.) secira u svom čuvenom članku na [www.antiwar.com/paul/paul79.html](http://www.antiwar.com/paul/paul79.html) otkrivajući urbi et orbi da je riječ o najprljavijem imperijalizmu u ime SAD, u kom se kontrolom nad "bivšim" komunistima fabrikuju lažni neprijatelji zapada po svijetu. Slijedi Wolfowitz i Co. s lihvarskim kreditima, pa potom nakupci oružja, i priča je potpuna. Ali je ne bi ni bilo bez crvenih. Kao što reče jedan drugi časni čovjek, guverner Jesse Ventura: - *Kad nisi siguran šta se dešava, samo slijedi trag love!*

Prvo bi Loris plemenitog slala psihijatru, a da se i ne opireš – naravno da si lud, ko normalan na nelustriranom Balkanu želi suštinski promijeniti stanje, tj. tako da Loris i anglocrvene brigade koje su zaslužne za sve podjele i ratove na Balkanu u zadnjih sto godina, ostanu bez posla? Pa potom, ak' joj to ne upali jelte, pravac – sud. Fakat, tako kaže, na sud – za slobodu pisane riječi kojom se, po Loris, ruši poredak?! Eh sad. Napokon dođeš do stadija društva gdje pero može srušiti bilo šta osim flašice s tintom, kad ono, pojavi se Loris. I ne da. Džabe ti sve. Ne dâ ženska, pa bog. A ludaku se baš ruši veleizdajnički poredak u jedine 3 od 30 komunističkih zemalja gdje je lustracija – spriječena. Inače ne bi bio – ludak. I još vrijedan tolike pažnje nelustriranih medija. Jeste li primijetili kako novinari Balkana nikad (baš nikad!) ne prenesu stvari onakvim kakve jesu?

A ako joj ni sud ne padne ničice pred njenom vještinom podmetanja, društvena Loris neplemenito Zubanović poručuje plemenitom (nikako da mu pogode titulu, te "bivši profesor geografije/PMF-a", te "doktor sociologije", pa "kralj", "sudski tumač", "Šćepan Mali", "plemeniti"... – jadni, kao eto ne mogu "dokučiti" zanimanje koje – stoji na Internetu) da, kad mu ponude neki poslić plemeniti će – odustati od trona. Ha! Napokon! I to nakon što mu se, kao jedinom doktoru više geodezije i teorijske geofizike u Bosni, na sve načine sedam godina onemogućava da se, nenormalno jelte, zaposli na jedinom preostalom bh. poslodavcu shodno kvalifikacijama, jedinom Odsjeku za geodeziju u Bosni, a na kom geodeziju drže doktori elektrotehnike i koji je deset godina bez naučnika više geodezije ključnog za tehničko dokazivanje suvereniteta, donošenje elaborata o državnoj granici kog nema pa nema već 20 godina, itd. Preostale dvije institucije više (državne) geodezije BiH, Zavod i Uprava, dovedene su do samogašenja tako što je uposlenicima – ukinuta plata. Hoop-la! Još samo Odsjek tj. Katedra za višu geodeziju, i Dodik se može otcjepljivati samo na osnovu de facto suvereniteta, pošto državni/bosanski, nema ko dokazati... Ali, plemeniti se ne treba sekirat, poručuje Lorisica, jer eto njemu posla! Tako ti je kad neko umjesto u tebe – gleda u ogledalo, pa očekuje da vidi svugdje isti šljam. Inače cijeli taj predmet pred "Ustavnim sudom BiH", tzv. Apelacija, može se od danas preuzeti iz fileova na blogu Kraljevske Porodice.

Pravo su pametni ti društvenjaci. Išlo i u školu. Pa naučilo pisat i čitat. A tek razmišljat... Kako im to društvenjak Henry fino smislio, jes' vidio. A samo jednom bio na vortalu Kraljevske Porodice, ono neki dan. I odma' čova prokonta ko je taj koji stoji iza istog, i kako da mu malo-priprijetimo-malo-ga-potkupimo, pa šta prije upali. Komisija druga Josifa za proglašavanje ludim jal sud druga Tihića za proglašavanje rušiteljâ poretka (nije isto što i suverenitet, Lorkicee!), jal pos'o u režiji druga Kissingera (inače pod brojnim optužnicama i peticijama da je – ratni zločinac, pa bi njegov novac prihvatila samo hulja, a savjet samo *ludak* – uups). Pa ti biraj! S obzirom da na kraju svojih, komunistički biranih riječi, Lorisica dodade kako bi se "oni" nas "riješili" (začin je uvijek na kraju crvenih pamfleta!), plemeniti ovim svečano izjavljuje, skroz nesretan što ova zaboravi navesti opciju pedofilskog i sl. skandala, da nikad i ni pod kojim okolnostima neće dići ruku na sebe ili na druge (znate ono, (samo)ubica, terorizam i fazoni) i da nikad nije ušao u vjerski objekat. Ma, čisto nek se zna... Eto, taj je fini scenario, a s kog se krv cijedi, Lorisica pomoću svog zlatnog nalivpera oživjela u svojoj crtanoj stvarnosti požutjelog papira svoje omiljene bojanke. Šta bismo bez naših društvenjaka, emotivaca koji i ne pitaju odakle teče lova, samo nek i njima dokapne bez rada, makar godišnje, pa makar i krvava, Henryjeva. Crvenjeli se sigurno – ne bi, ni zbog intelektualne fukare kakvom jesu, a niti zbog ratničke im boje pod kojom, kao bik bijesno, jurišaju na svaki pokušaj suštinske promjene stanja na Balkanu poznate pod čudesnim nazivom **lustracija**, i od koje se Lorisici, Peri i Co., tresu gaće! Mujo, dedera nahran' majmuna, i ne diraj ništa! Sjeća li se neko kako, u ovom vicu s bradom, bješe ime onom majmunu? Ma nešto, sa H...